

欽定古今圖書集成

方輿彙編職方典



欽定古今圖書集成方輿彙編職方典

第五百七十三卷目錄

慶陽府部彙考三

慶陽府驛遞考

慶陽府兵制考

慶陽府物產考

慶陽府古蹟考

墳墓附

Blank columns with faint bleed-through text from the reverse side of the page.

職方典第五百七十三卷

慶陽府部彙考三

慶陽府驛遞考

通志府志合載

安化縣

弘化驛 在府治東南後改置府治北額設馬

一十匹驢三頭馬夫十一名歲支銀五百四十

四兩四錢九分

縣設驢五頭歲支銀六十一兩六錢六分五釐

總鋪 在府治南

段家坪鋪 在府城南十里

底卜河鋪 在府城西南十里

七里鋪 在府城北七里

龍泉鋪 在府城西南二十里

趙家莊鋪 在府城西南十里

滴水灣鋪 在府城北三十里

白馬鋪 在府城西南四十里

獅子灣鋪 在府城北四十里

阜城鋪 在府城北五十里

太樂鋪 在府城西南七十里

榆門鋪 在府城西南八里

驛馬關鋪 在府城西南八十五里

侯家鋪 在府城西南九十里

草灘鋪 在府城西九十五里

義門鋪 在府城西一百里

五郎莊鋪 在府城西一百一十里

三家莊鋪 在府城西一百二十里

合水縣

華池驛 在縣西六十里額設馬十匹驢二十頭馬夫十六名歲支銀六百七十八兩一錢四釐

縣設驢五頭歲支銀六十一兩六錢六分五釐扛轎夫八名歲支銀八十六兩四錢

總鋪 在縣治南

蒿士峪鋪 在縣城東二十里

建水鋪 在縣城東四十里

子午山鋪 在縣城東五十里

陰城鋪 在縣城東六十里

苗村鋪 在縣城東北十里

廝坡鋪 在縣城東八十里

邵莊鋪 在縣城東一百一十里

劉家鋪 在縣城東一百二十里

劉家坪鋪 在縣城東一百一十里

化峪鋪 在縣城東一百三十里

華嚴鋪 在縣城西二十里

柳溝鋪 在縣城西三十里

板橋鋪 在縣城西四十里

冉家河鋪 在縣城西五十里

雷家鋪 在縣城南六十里

金櫃鋪 在縣城南七十里

環縣

靈武靈祐曲子清平山城賈家井等驛俱裁廢

在城鋪 慕容鋪 起蘆鋪

木鉢鋪 念家灣鋪 方渠鋪

曲子鋪 賀家灣鋪 馬嶺鋪

阜城鋪 以上縣南

十里鋪 三十里鋪 四十里鋪

杏苑鋪 水源鋪 夏佃鋪

清平鋪 五雷鋪 巴門鋪

寒山鋪 水台鋪 哨馬營鋪

峯台鋪 保寧鋪 張鐵鋪

山口鋪 古城鋪 甜水鋪 以上縣北

真寧縣

額設走遞驢十頭喂驢夫槽頭遞送公文夫役

共四名草料工食等項約費銀八十四兩九分六釐九毫

一協濟寧州政平驛轎夫原額工食併華池宋莊邵莊站支銀二千三百三十六兩六錢一分八釐三毫一絲內除荒外實徵銀九百八十四兩七錢三釐六毫解司充餉并協濟華池驛

總鋪 在縣治南

文樂鋪 在縣城西二十里

長樂鋪 在縣城西北三十里

### 寧州

彭原驛 在南關額設馬十匹驢二十頭馬夫

牌子遞送公文人役共一十六名原額草料工食藥材等銀一千六百八十一兩六錢七分八毫三絲內除荒外實徵銀七百三十九兩二錢七分九釐二毫二絲

原額支直銀一百五十三兩內除荒外實徵銀六十七兩二錢六分三毫三絲

原額扛轎夫三十三名額設工食銀二百四兩

內除荒外實徵銀六十九兩三錢四分二釐三毫

政平驛 在城東南六十里額設馬十匹驢二十頭馬夫牌子遞送公文人役共一十六名原額草料工食藥材等銀一千七百二十七兩六錢七分八毫三絲內除荒外實徵銀七百五十九兩五錢一釐二毫八絲

原額支直銀一百五十三兩內除荒外實徵銀六十七兩二錢六分三毫三絲

原額驍夫一十二名額設工食銀八十六兩四錢內除荒外實徵銀二十九兩三錢六分八釐五毫

本驛民馬六匹額設草料工食銀一百二十兩內除荒外實徵銀四十九兩三錢七分四毫二絲五忽二微裁解充餉并撥協平涼府永寧驛訖

一協濟華池邵莊宋莊靈武曲子山城清平賈家井等驛站支銀四千九百八十一兩九錢一

分四釐五毫內除荒外實徵銀二千一百九十兩一錢四釐二毫一絲一微六纖裁解充餉并改撥平涼府隆德縣隆城驛所華亭縣瓦亭驛

訖  
額設走遞驢五頭草料約費銀六十一兩六錢六分五釐

總鋪 在城內

來遠鋪 城南十里

清化鋪 南二十里

武昌鋪 南三十里

秦村鋪 南四十里

秦店鋪 南五十里

政平鋪 南六十里

亞店鋪 南七十里

龍門鋪 東南四十里

北十里鋪 北二十里鋪

南義鋪 北三十里

馬圈鋪 北四十里

望寧鋪 北五十里

吉嶮鋪 北六十里

慶陽府兵制考

府志

本府

順治六年新設東協慶陽副總兵一員

中軍守備一員 千總一員

把總四員

馬戰兵三百名步戰兵二百名守兵五百名

洪德城遊擊一員 千總一員

馬戰兵一百名步戰兵五十名守兵二百五十

名

守道中軍守備一員

步戰兵五十名 以上軍餉俱赴督撫掛發折

色布政司處支領本色在本處州縣衛各倉支

領

慶陽衛掌印守備一員

衛經歷一員

慶陽府物產考

府縣志合載

穀類

黍稷 黃白紅青黎軟凡六種

粱 黃白青紅龍爪羊角蠟燭芝麻長角凡九

種

麥 大小春冬凡四種

苽麥 甜苦大稜小稜凡四種

豆 黑黃青白菜紅豇扁小豌豆羊眼鷄頭滾羅

帶刀角圓大小凡一十七種

芝麻 赤白凡二種

麻子 大小薺胡凡四種

荏子 黑白凡二種

蔬類

瓜 王甜稍東西金絲醋筒苦凡九種

葱 大小羊角凡三種

韭 薤 蒜 大小凡二種

蘿蔔 胡白紅凡三種

茄子 黑白二種

苜 芹 葫蘆 長瓠 白菜

蔓菁 苘蒿 胡荽 菠稜 木耳

茗蓬 苦苣 甘露子 筆頭菜

果類

李 紅白二種

棗 大小羊矢凡三種

梨 桃 水桃 杏 林檎

沙果 楸子 海紅 櫻桃 核桃

榛 棠毬 葡萄 木瓜

木類

五角木 可為鋸器

椿 槐 楊 柳 榆 桑

松 柏 檜 橡 荆 欒

檀 楸 桐

花類

牡丹 芍藥 棠棣 萱草

龍柏 薔薇 金盞 鷄冠

水蓼 山丹 刺藤 米殼

大青 木槿 鳳仙 珍珠

玉簪 百合 百部 石竹

扁竹 十樣錦 十子梅 西番蓮

菊 葵 梅

草類

荻葦 莎蒲 芳荑 苜蓿

茨菰 垂盆 沙竹 席鷄

馬蓮 蘆

藥類

載 金絲 性涼味苦能去瘴解百草之毒本草不

鹿茸 黃精 地黃 大戟

麻黃 前胡 秦艽 草血竭

旋覆花 馬兜鈴 天南星 葳靈仙

羽類

慈烏 喜鵲 訓鵲 鶴鶉

麻雀 班鳩 鶉鴒 半翅

山鷄 鵲鴿 水鴨 布穀

青鸕 鴟鴞 白項鴉 紅嘴鴉

鷓鴣 鴈 鶴 鸛

鷺 鷹 鷓鴣 雀

火燕 沙燕

毛類

虎 豹 鹿 狐 兔 狸

狼 麋 獾 黃羊 獬羊 野馬

蟲類

蠶 黃鼠 刺蝟

鱗類

魚 春水融和間有生之者長三四寸居人結網捕之以食水發則無

介類

蟘基

鼈

龜

畜類

牛

馬

驢

騾

犬

猪

羊

鷄

鵝

鴨

貓

貨類

絲

氈

蜜

蠟

毯

酥

油

鹽

焰硝

羊皮

狐皮

慶陽府古蹟考

通志府志合載

本府

安化縣附郭

不窰城 在府境夏政衰后稷子不窰自窰於

此所居成聚因建城而處至公劉克修后稷之

業民賴其慶號為北豳春秋時為義渠國秦滅

義渠以其地屬北地郡

公劉莊 在府城北三十里有腴田數畝號天

子掌人莫敢墾又府南十里有西姬河公劉子

姓所居

郁郅城 在府境白馬嶺兩水交口漢為縣屬北地郡亦名尉李城水經注云洛川南經尉李城即此

延慶廢縣 在府城東北三十里本漢郁郅縣

柳谷城後魏置延慶縣後省入安化唐復置

彭原廢縣 在府城西南八十里後魏破赫連

定於此置彭陽縣隋改彭原唐於此置彭州元

省

洛源廢縣 在府城東北一百七十里後魏置

歸德縣隋改洛源後廢唐復置宋廢為堡

廢州故城 在府北門外與今城相連隋始置

慶州後為弘化郡後復為慶州明成化中叅政

朱英增築

天固堡 在彭原廢縣南隋開皇中築甚險固

同川廢縣 在府西八十里本三原城隋義寧

初置三原唐改同川宋省入安化縣

晝閒堂 在城南唐高祖為弘化留守時建有

太宗石刻

懷安廢縣 在府城東一百八十里唐開元中括逃戶連党項部落置宋廢為懷安鎮

鳴沙塞 在府境唐大曆初朔方留後常謙光奏吐蕃寇鳴沙首尾數十里郭子儀遣兵馬使渾瑊將銳兵五千援靈州子儀自將至慶州為之犄角吐蕃聞之遁去其沙隨風激鳴故曰鳴沙

牛圈 去府城百里四圍沙磧惟圈所潴水人馬足飲章棗嘗置毒藥於此夏人入寇飲者多

死

田家城 在慶州城北門外周圍四里高二丈四尺

白豹城 在府城東七十里宋初係西夏地界范仲淹建議取之築此城東接安疆寨西接東谷寨南接柔遠寨北接勝羌寨金皇統中亦置白豹大順二城

大順城 在府城西北宋范仲淹以慶州西北高鋪寨當橋川口在敵腹中欲城之度敵必爭

密遣其子純祐與裨將趙明先據其地引兵隨之至則版築皆具旬日城成卽大順城也自是白豹金湯皆不敢犯環慶寇盜漸少賜名大順定邊城 在府北三百里宋元符初築後爲定邊軍明時有官軍及巡檢司守禦

第二將城 在府城東北一百二十里周圍七里高一丈五尺宋時築相傳第二將駐師處鎮安城 在府城東宋時築其城西接九陽堡南接安定寨北接蒼鷄諸寨

駝駝城 在城東北一百里周圍二里高一丈綏遠寨 在府境本駱駝巷宋元符初築寨名綏遠東接定邊軍西接寧羌寨南接橫山寨北接神堂寨

柔遠砦 在府西宋仁宗時夏人入寇柔遠巡檢楊承吉與戰於此明成化間都御史馬文升令叅政胡欽同知馬驄等增築樓櫓廳堂悉備積糧屯兵軍民便之

鵝池 在安化縣治南二百三十八步宋慶曆

中經略安撫使施昌言重修明洪武庚戌指揮使許良趙勇欲浚未就後指揮孟侃宣武復浚而功始成

金湯寨 後橋寨 二寨俱在府東宋時西

夏地界范仲淹經略時建議取之

懷安東西谷砦 二砦俱宋咸平中築以制西

夏

業樂城 在府城東北八十里宋范仲淹因蕃部內附故築此城以容之周圍二里二十步去

慶州七十里

車箱峽路 在府城北自懷安西北入通幕川

經靜邊鎮香柏砦取車箱峽路過慶州應蕃地

北入鹽川約五百里宋初懷安至鹽州蕃部並

內附至道中五路出師丁罕從此路進軍至鹽

州其時靜邊白豹金湯復橋等鎮並為夏境各

置堡寨范文正公經略西夏修築以備之

荔原堡 在城東北二百五十里宋蔡挺築又

有通寨麥川威寧矜茸金村勝羌定茸等堡皆

宋時築

范仲淹宅 在府治東范仲淹安撫環慶路時

嘗居此今為慶儲庫

安化樓 在府城內宋知州章棗建有記

臨川閣 在府城內鵝池上宋建蔣之奇有詩

美其盛

慶陽樓 在府城內宋宣和中建

錫慶堂 在府堂後宋太守蔡挺建蓋取名州

之義

視事堂 在府城內宋范純仁帥慶陽時建

江漢堂 在府廨內本安撫使宅范仲淹建其

子純粹後知慶州於郡廨內立是堂晁補之記

柔遠亭 在府城西宋建於柔遠寨山頂可以

憑高望遠

景致附

狄公古廟 即寧州北狄公祠背據蒼崖面環

清溪古檜森蔚長松蒙蔭公凜然猶有生氣故

騷人翰客慕公之勳業而展謁者多所題咏以

是為景之最佳者

范公舊宅 在府治東今改慶儲庫其治門楣  
仰文俱在焉後之代為司政者或扁其堂曰景  
范或名其治曰二范舊治又曰遺愛堂又曰二  
范堂皆所以仰企之意也豈徒以便遊賞已哉  
鵝池春水 在府治北池下通源泉旁接東流  
上建臨川閣足以遠覽勝槩中臨城堵足以博  
濟羣黎至時值春和景明漣漪澄澈摛錦布繡  
往來飲濯者殆足以為澡心浴德之具矣還登

上閣則兩川呈碧四山拱翠羣水爭奇萬卉競  
芳不啻臨元汜而登鵬館也此景之所以為最  
也但池以鵝名不知何謂

龍湫夜月 在府治南即真寧縣靈湫也湫周  
圍廣數畝混漾深沉無際深淺滂旱無所溢涸  
四圍喬木蔭蔚芳草披離敗葉朽卉投之中若  
或推出諸所塵霾莫有能污之者至於祈禱雨  
澤其應如響因名為靈湫云歷代加封致賽備  
載祀典為一方勝覽

慶臺晴雪 在府治中四山險阻惟城堵平行中峙四達相望有若臺然故名值冬雪霽瑤瓊若積亦天下之奇觀

彭原晚照 在府治南彭原廢縣古刹浮圖寺寺今已毀惟塔存焉塔凡十二級高聳凌霄每金烏西墜四野黃昏塔巔猶恍若日色明光奪目遠近無不見之久之乃息

普照昏鐘 在府治北卽普照寺左置鐘樓每晨昏叩之以啓朝夕之分松軒鶴夢梵殿風清

眞妙登上覺之候也

合水縣

華池故城 在縣東北一百二十里本漢歸德縣地更始封岑彭於此後魏置縣後廢唐初復置又於縣置林州宋省爲鎮明設巡檢司

略畔城 在樂蟠廢縣東北五十里漢地理志云略畔道屬北地郡後魏大統間置蔚州於此弘州城 在縣西二里樂蟠廢縣境後周時築置長城鎮隋置弘州唐初廢

樂蟠故城 在縣西南七十里隋置按唐書義  
寧元年析合水縣置樂蟠宋金以來廢為金櫃  
鎮明洪武初復築之

鳳川鎮 在縣東五十里宋大中祥符中范仲  
淹經略環慶於此置鎮

平茸寨 在縣東北一百八十里宋大中祥符  
中范仲淹築城置鎮

聖泉亭 在縣南五十步聖公泉上宋時建花  
木環植氣象清奇

徐家窰石砦 在葫蘆河川砦上寬平可容數  
百人前代鄉民於此避兵

自公堂 在縣廳後元順帝元統元年主簿李  
真建吉莘作記

郭子儀碑 在縣東南一百二十里子儀十一  
世孫訥刻其墓志並鐵券於塚上今廢

唐列聖碑 在縣東一百里金明昌中薛王十  
三世孫李大忠刻唐高祖至昭宣二十一像於

碑今廢

天子溝 在故城

夫人洞 在故城

馳道 在縣東一百二十里蒙恬塹山堙谷上

通上郡下通咸陽卽其地

景致附

南山疊錦 卽縣南面山障列若屏上植花木

叢鮮茂盛時值陽春盛夏紅碧爭奇芳菲艷麗  
宛若披錦摛繡之美故名疊錦

筆峰凌雲 在縣城南一里許其山屹立直聳

崔嵬翠嶺有若筆架時人因名爲筆峯勢若凌  
雲者壯其高也

西山晚照 在縣城西二里山形嵯峩壯麗林  
木盛茂亦一方偉觀也值日落昏暮鳥棲猿啼  
而山巔猶帶餘暉好奇者每往觀焉

鳳川雲擁 在縣東七十里方輿勝覽云清澈  
滌旋鷗鷺泳遊亦一方勝槩之地若夫曠垆遠  
眺則見烟雲層擁變化飛揚千狀萬態令人悠  
然有遨遊清虛擺脫塵囂之趣非地之靈秀安

能感人至是哉

梅岸冬香 在縣東三十里即玉梅川源出子  
午山東流入華池水名曰梅川今多他木值冬  
雪飛墜遠樹幽叢堆枝垂幹瑩然若梅之吐秀  
也

聖泉清水 在縣南十步即聖公泉也方輿勝  
覽云其岩舊有修行功成者卓錫出泉能愈百  
病旱禱亦應因名曰聖泉每春融和泉流澄清  
好事者取以浴身洗目且載酒攜榖泛卮上流

歌咏迭賡若有真趣遊賞者咸品此為勝地云  
寶珠霞舒 在縣南二十里寶泉寺中泉出如  
貫珠然故名之曰寶珠積水成池浮光耀金若  
披霞彩布錦噴珠絕為勝覽山僧結茅構亭於  
其旁以待遊賞者而今廢矣

石潤天雨 在縣西一十里有崖石每天降雨  
預先濕潤若盥濯者雖亢陽酷暑潤亦如之邑  
人乃預知明日之雨也

環縣

長城 在縣北二里秦將蒙恬所築

方渠故城 在縣南七十里漢之方渠縣後魏

廢為鎮唐神龍三年析馬嶺後置五代晉省入

通遠縣宋為砦

馬嶺廢縣 在縣南一百三十里漢置縣後魏

廢為鎮隋復置宋廢范仲淹復築為鎮周圍三

百七十五步界於通遠縣北至琵琶砦四十五

里明成化中都御史馬文升復為修築按唐節

度使楊朝晟次方渠乏水有青蛇下走朝晟依

其跡而掘之遂為清源士飲給足因立祠焉

安塞廢縣 在縣西十里漢置縣後廢為鎮唐

復置五代晉省入通遠縣宋天禧中築為砦北

控夏界九星原路

環州故城 在縣城北一里即舊環州城後周

置會州隋改為環州唐咸亨中置安樂州大中

間改威州明始為環縣以環江流經城西委曲

環抱故取名焉

靈武臺 在縣東北三里舊屬靈武郡相傳唐

肅宗即位於此明李夢陽有詩

通遠廢縣 在縣治宋為環州附郭縣元省入

州

烏崙城 在縣北三十里周一里三十步宋范

仲淹經略時置砦屬通遠縣屯兵控烏崙川一

帶咸平中重修西接永和砦北接肅定砦今東

面圯於河

靈祐城 在縣南一百四十五里何福所築并

置遞運所

紅城兒 在縣北九十里明成化八年重修

肅遠城 在縣北四十里亦名需源城北面為

暴水衝北控大落乾川即駝駝坪地入西界宋

咸平中增築賜是名

合道城 在縣西南七十里其水自開城縣來

入環江以二水合流故名宋金皆為鎮

興平城 在縣境地名炭家嘴宋元符初築為

城賜是名

洪德城 在縣北六十里宋置砦章棨嘗遣折

可適破夏人於此

木鉢城 在城南四十五里即古木波鎮周三

里八十步舊屬靈州宋范仲淹築咸平中重修

西至合道川南至大穠鎮元廢明成化間都御

史馬文升重築城高三丈周三里內有廳事鋪

舍及遞運所屬慶陽衛

安邊城 在縣境地名徐家臺宋崇寧初築賜

今名

平遠砦故城 在縣北七十里控大峴川入靈

武路宋天禧中築

定邊砦 在三店十溝宋天聖中置

通遠亭 在縣外七里宋建為宦遊迎送之亭

觀兵亭 在縣外古教場宋种世衡建以閱兵

勝覽樓 在縣中宋建於環江之湄高峻爽塏

細腰城 在縣西其北有二川交通西界宋范

仲淹議築此城斷其路命种世衡董其事世衡

方臥病檄至即將所部甲士晝夜與築城成而

卒

安化寨 在縣東七十里

曲子城 在縣南九十里明永樂初征西將軍

何福築曲子驛并遞運所

景致附

靈武古臺 在縣北自唐迄今代凡幾易而制

度之詳居人猶能道之

蕭關故道 在縣北三十里即古蕭關也界限

中外禁詰姦宄古人設備邊圉此其要地今直

抵賀蘭隸蕭關為內地一統之盛自古所未有

也

馬嵐拱翠 在縣北七十里唐之馬嶺縣上有

岩洞幽邃莫窮所止孤嶂連還重巒揖拱出雲

吐霧植秀移芳誠上游也古人謂聊朝翫而夕

臨足攄懷而蕩志者非此乎

鴛溪流碧 在縣西一十八里即鴛鴦溝也兩

山對峙以瞰於溝形若鴛鴦故名其水東流入

環江凝澱清涓滌洄環抱芳草浮綠細柳呈翠

故以景目之

環江春浦 在縣北十里即環河也方輿勝覽云江流環抱石橋交跨小港分流荷香可掬蔭以修竹覆以長楓波鳴石積沫擁沙洲值春則澄清寒冽蘋藻浮香其境最幽

合川朝雨 在縣西八十里即合道川也源出開城縣流入環河二河合流故名侵晨薄霧即濛沐濕生洒澍千頃至沃田澤野人咸賴之  
方山霽雪 在縣西南形如臺故名方山霽雪之餘日光曜映有若瓊臺銀案遠近眺覽足豁

心目至於喬木茂盛垂玉溜珠景甲一方矣  
螺巖晴瀑 在縣之西有螺山焉山之上有泉俯流而下迅激有聲日色晴和遠覽泉流瀑布岩中其光奪目有若珠簾翠屏然也

真寧縣

陽周城 在縣北三十五里漢縣秦末陳餘與章邯書云蒙恬為秦將開榆中地數千里竟斬陽周即此地一名馳武城西魏置顯州後廢按漢武元封元年巡狩還祀黃帝於上郡陽周在

今中部縣地與真寧相去三百餘里而土壤相接隋以陽周地置羅川唐以羅川為真寧遂訛傳真寧有橋山黃帝塚非也

長城 在縣東二十里按上郡鄜之三川為右長城即今之中部縣

羅川故縣 本漢陽周縣地後魏於此置泥陽惠涉二護軍後置陽周郡隋改為羅川縣唐開元二十三年八月元宗夢羣仙現於羅底乃詔訪焉使者行至羅川縣王堡村有一老人引入

洞口化為白兔忽不見遂得玉石仙人像凡二十有七各題姓名得道去處併老人亦一仙之數以應二十八宿乃勅置觀曰通聖因改縣為真寧寰宇記云羅川水出羅山隋羅川縣以此名

下馬汀 在城北三十里水濱地曠行者多憩息焉故名下馬汀

琴山洞 在縣南一里即撫琴山也唐元宗夢羣仙處

聖人道 在縣東九十里秦皇北築長城開運糧道秦以天子爲聖故名

唐臺 在縣西二里忽起一岡環抱邑城橫堵羅水昔唐肅宗自靈武還過真寧同妃良娣禱祀於此故名

寧州

公劉邑 在州治西一里許周之先公劉居此謂之北豳春秋義渠君所居秦宣太后以計取之西魏始置寧州

豳寧 在安定廢縣西漢班彪賦至於豳寧卽此

燕原 在州南五十里相傳燕太子丹爲質於此

泥陽故城 在州東南五十里漢泥陽舊縣也西河亭 圖經云西河亭在州治內相傳漢末王莽時創

黃龍亭 舊名高岡亭後漢建武中曹鳳爲北地太守政化尤異黃龍應於九里谷之高岡亭

角長三尺大十圍稍至十餘丈天子嘉之賜帛百匹加秩中二千石

奢延澤 卽奢延川水經注云段熲追羌出橋門至走馬水聞羌在奢延澤乃輕兵兼行一日夜走二百餘里卽此

五柞亭 在州東南五十里廢泥陽縣界續漢書泥陽縣有五柞亭

襄樂廢縣 在州東六十里本漢襄洛縣後魏改爲襄樂嘗於此置燕州元省明設巡檢司

安定故城 本名定安金大定七年更旁有洛水九陵水城在州南六十里政平里明設政平驛並遞運所

定平城 在州南六十里本安定縣地唐初析置此縣屬邠州後屬寧州宋屬邠州元省入寧州城內有凝壽寺

安定廢縣 在州城內後魏置唐宋因之爲附郭縣元省入州

石鼓坪 在州東六十里襄樂原有石如鼓擊

之有聲其地最腴可以田

安定閣 在州西五十里對安定巖分奇挹秀

如列畫障石可鐫硯宋張舜民有詩咏之

六君子堂 在州西宋建舊碑毀廢氏名不存

明洪武初知州林善以隋元諧梁毗唐李勣狄

仁傑宋孔道輔李允則六人皆有德於寧州乃

重建堂祀焉臨海詹鼎作記

一川風月亭 在州治後圃宋建亭臺樓閣數

處皆備有蓮池柳港花嶼蘭臯郡人春月遊賞

於此

李思齊城 在州南一里元李思齊屯兵之處

九龍池 在州東南十里父老相傳狄梁公爲

刺史時人有賣劍牛者議價間賣者忽失所在

狄公畱之次日有九小兒擁水泛溢將沒州狄

公仗劍馳牛而往斬小兒俱化龍形水遂消州

賴保全因此名池亦名其河曰九龍河

神蛇臺 在州治東宋時元帝廟中有蛇時出

傷人郡人莫不神而祀之祀必出享刺史孔道

輔至豫為鐵笏往祀蛇出以笏擊碎其首今遺址尚存其地無蟻

課掃亭 明呂中丞經母王淑人孀居教子洒掃分庭從事經一掃而潔謂曰可教綸必再焉

嘉靖壬辰光祿卿馬理題曰節孝堂 西雉草堂 呂中丞退居之別墅也在內城西

南隅今廢 夢賓書院 呂京兆顓尋芳詩酒之所以曾夢

呂祖命名後即為京兆祠今廢論祭碑存

美芹亭 在縣南二里柳溝山谷之間知府呂顓為圃於此導水甃石作九曲植芹最佳因自號為芹谷今經兵廢

廬墓處 在柳溝東王忠烈父死廬於此者三年郡士人為立碑曰明孝子王信廬墓處紳衿

呂惟幾武用望呂惟臣閻鳴陽等率眾親手引繩以豎之不假工人之力重其舉也今存

天池 在西郭城根下萬曆初知州馬彥卿相其卑隰鑿為深池以石甃道暗導河水於城外

後兵燹城門戒嚴一郡人畜賴以濟飲上有亭  
榭可遊可憩今碑存而字剝矣

景致附

瑚川紫硯 在州西三十里卽珊瑚川也源出

安化縣流入馬蓮河派清流長循巨川名壑注  
之東下旁有湫池旱禱輒應其川產紫呵石溫  
潤光澤可以作硯

高山晚霞 在州南一里卽州之面山也對列  
若屏下環清流上建浮圖多叢林茂樹可供遊

賞每日暮斜暉返照若被霞然

九龍春曉 在州東一百二十里卽九龍川也

地沃土肥可以播種州人多築圃於斯名園珍  
畦奇花異卉爭雄關隴每值春融花發登高望  
遠則見桃李爭艷千山萬壑被錦衣文誠一方  
勝景也

三水合流 九龍川城西川馬蓮川三川水至

州城東合而爲一環抱潞河順壑而下名爲寧  
江

金沙泉湧 在州城南李思齊城山麓泉流若湧清澄澱澈汀有沙光明映日人疑其為金好奇者亦趣時尋賞以為地之勝云

關亭夜月 在州城東一里許三川合流之處岩旁有岡峙立上建漢武安王祠一區故曰關亭每值夜霽月光水色上下掩映令人有豁然塵外之意

墳墓附

本府 安化縣附郭

商不窳墓 在府城東三里許碑刻剝落有石

大書周祖不窳氏陵殿宇基址猶存

周老王墓 在府城西南二十里龍泉坡東嶺

莫考為周何王居人相傳如此

漢丞相塚 在府城北二十里西川相傳為公

孫昆邪之墓

傅介子墓 在府城西七里明正德間郎中都

穆立碑表墓

公孫賀墓 在府城東南二十里秋林原碑存

元萬戶墓 在府城南三里落西坡

賈元帥墓 在府城南十里

明楊中丞綸墓 在城南十里子叅議朝鳳從

葬勅修

陳總制震墓 在城北三里子兵備大綱從葬

韓通政鼎墓 在城南十里子僉事守愚從葬

勅修

楊提舉玉墓 在城南十里

王主事福墓 在城西南十里教子川

李教授正墓 在城南十里子副使夢陽所營

趙廉使銘墓 在城南七里

張少卿驥墓 在城西南四十里

封侍御張司訓墓 在城東北二里

劉武襄文墓 在城南十里諭葬

封文林郎丁璉墓 在城北三里

李夢陽母墓 在城西赤城村

張少叅鵬翰墓 在城北田家城

丁正郎守忠墓 在城南三里

段忠烈復興墓 在府城關王廟後

合水縣

周薛王墓 在縣東一百里玉梅里無所考

唐郭子儀墓 在縣東一百二十里

田總管墓 在縣城西南九十里漢城原

宋張將軍吉墓 在縣西南六十里華池道北

有碑

元孟元帥墓 在縣西四十里定祥原有碑

環縣

明張御史理墓 在縣城北七十里孟嶺溝東

山麓

黃將軍澤墓 在城南十里

魏征西震墓 在城北十里

魏通判璉墓 在縣北七十里馬嶺山

胡主事獻金墓 在城南十里

真寧縣

上古黃帝陵 在縣東子午山 按中部縣亦載有黃帝橋陵

商大夫彭祖墓 在縣北十里

秦蒙恬塚 在縣北二十里

唐張果老墓 在縣東七十里

宋遊擊將軍董默墓 在縣東北三里石羊銘碑俱存

康府君智墓 在縣東北二里杜村原

明趙吏部邦清墓 在縣東于家莊

寧州

秦太子扶蘇墓 在州城西十五里 按綏德州及平涼縣

俱載有扶蘇蒙恬墓

唐金人塚 在州城西三里世傳狄仁傑遷葬

金人遺骸處

明張廉使清墓 在州東二里

馮知府時墓 在州北三十里

封給事中呂昇墓 在州南二里

中丞呂經墓 與給事墓相近

周副郎達墓 在州西三里

王少卿信墓 在州南三里勅修

武知府成墓 在可耕里

欽定古今圖書集成方輿彙編職方典

第五百七十四卷目錄

慶陽府部藝文一

大順城記

宋張載

景范堂碑記

明吳士英

開渠灌田記

閻國脉

創建文廟記

徐亨

關街并修倉場養濟院記

劉寓春

慶陽府部藝文二 詩

玉泉

唐杜牧

送汪郎中伯陽出守北地

明謝榛

送康元龍之靈武

徐燊

環縣道中

李夢陽

慶陽行臺

秦昂

次環縣

前人

慶陽府部紀事

慶陽府部雜錄

慶陽府部外編

職方典第五百七十四卷

慶陽府部藝文一

大順城記

宋張載

記曰兵久不用文章武縱天警我宋羌蠢而動恃地之強謂兵之衆傲侮中原如撫而弄天子曰嘻是不可捨養姦縱殘何以令下講謨於朝講兵於野謀刑斧誅選付能者皇皇范侯開府於慶北方之師坐立以聽公曰彼羌地武兵勁我士未練宜勿與競當避其強徐以計勝吾視塞口有田其中賊騎未近卯橫

午縱余欲連壁以禦其衝保兵儲糧以俟其窮將吏  
曹掾軍師走卒交口同辭樂贊公命月良日吉將奮  
其旅出卒於營出器於府出幣於帑出糧於庾公曰  
戒哉無敗我舉汝礪汝戈汝鑿汝斧汝干汝誅汝勤  
汝與旣戒旣嚴遂及城所索水箕土編繩奮杵敵騎  
之來百十其伍自朝及暮衆積我倍公曰無譁是亦  
何害彼姦我乘攻我未備勢雖不敵吾有以待爰募  
疆弩其衆累百依城而陣以堅以格戒曰謹之無鬪  
以力去則勿追罷我以役賊之逼城傷死無數公曰

可矣我功汝全無怠無遽城之惟堅勞不累日池埤  
以完深以如泉巋焉如山百萬雄師莫可以前公曰  
濟矣吾議其旋擇士以守擇民而遷書勞賞才以斂  
以筵圖列而上薦聞於天天子曰嗟我嘉汝賢錫號  
大順因名其川如金如湯保之萬年

景范堂碑記

明吳士英

予未仕時常讀宋史則知文正公出處大節與凡人  
異慨然興嘆使人景慕不已洪武辛亥欽遇盛世隆  
用儒士予以明經忝貢於朝初任是郡佐下車之初

詢訪故迹觀諸宋題名記則知文正公父子俱守此  
土愈增慨嘆若有感於中也時缺府尹襄陽王敬行  
恕爲副尹掌府事公餘論至文正公文章功業亦爲  
慨嘆景慕疊疊不已謂予曰彼此儒者恨不得與文  
正公同時親炙其儀型今幸值公爲政之地安可不  
表揚其盛德俾後人知所矜式與因大書廳治曰景  
范居無何行恕公以疾卒予懼湮沒此盛意不揣鄙  
陋筆於石以貽不朽登斯堂者尚相與勉之并爲銘  
警云銘曰茫茫古今維儒至大自家而邦興利除害

名臣貞士歷顯前代維我文正斯爲真儒忠義智勇  
著於簡書猗與盛哉爲後人模

開渠灌田記

閻國脈

真寧公劉舊疆詩之味公劉曰相其陰陽觀其流泉  
當年興水利以篤民生者可爲後世法程至明也羅  
水發源子午而達於涇者上下近二百里水下地高  
似難灌溉然自上流導而引之自溝而澮而畝則河  
伯亦可濟雨師之窮也不肖甲子來宰茲土至乙丑  
春庶務稍稍就理乃率壽官雷鼓踏田郊而問農桑

見縣東小河縣西長溝諸流水勢滌洄可事灌溉遂命地主各事畚鍤因勢鑿渠達於園畝踰月而澆灌所及者二十餘頃凭隄而望綠疇潺潺青畦漪漪鋤耰往來堪入圖繪或者曰是役也百年曠覩宜為記之予曰孔子有言因民之所利而利之斯不亦惠而不費乎夫天一地六自然之利也往予治費時亦嘗開渠鑿井灌田二百餘頃諸上人謬相許可見之薦剡然亦不過因勢而利導之耳予何德焉倘天鑒明德昭格於下箕風畢雨屢書大年區區涓流又安用

之若夫開源節流使池不竭頻泉不竭中雖望洋海若而承流宣化以自附於河之細流者予不肖又何讓焉

創建文廟記

徐亨

形而上者謂之道形而下者謂之器立宇修祀明乎物采而象其儀形皆器也而道未嘗不在是故君子必謹於此而不敢慢也今夫三綱五常俾得以正天敘天秩俾得以明小德役大德小賢役大賢莫不上畏乎天而內謹乎儀雖或欲動而情勝者猶將泥其

古今圖書集成  
心而革其面亦皆陰爲不善而欲掩之是孰使之然哉蓋以夫子之道尊於時而用於世耳惟其尊也故人知敬而信之仰而慕之惟其用也故人知率而由之服而守之苟或不然則夫子之道幾乎息而世之爲世吾亦不知其何如也嗚呼存其器而忘其道或有矣未有忘其器而能存乎道者也此後世立宇修祀明乎物采而象其儀形者又豈可以且已乎寧州夫子廟自元季海內兵起蕩爲灰壤荆棘幾年矣大明御世之二年洪武己酉州判陳公恕始爲其倡改

卜其地得州東高明之地以經營之明年而陳公卒不果其事又明年同知州事李公惟一至而瞻顧咨嗟旣展其蘊尤致力以成其功焉於是拓其基周其墉宏其宇新其像有禮殿以妥神有明倫堂以資五教有籩豆以嚴春秋祀事有杏壇以致琴瑟東西齋各居其所構亭刻石乃紀事之始終堂後培松柏竹爲務學者憩息之處此其大略也工傭之費廩餼之給皆出於僚佐之俸旣而鄉書儒士率從翕然以財若力勸助者相繼其爲屋若干楹可謂完且美矣卜

日延薦紳馬恕夫先生詣學謁宣聖先賢以經學授徒其諸生威儀濟濟觀者莫不稱嘆竊嘗怪世之爲士者其在平居莫不揚眉吐氣以道自任懷振起斯文之心及乎受一命履一階較之異日畔若二人不知驕逸參養之氣或有以移之乎抑敲扑簿書之煩或有以撓其心害其事也今諸公能謹於此其所以崇德報本之意不旣厚矣哉則今日學校之興其殆有關於世教而道之所以寓於器者今在是矣茲不可以不書

闕街并修倉場養濟院記

劉寓春

夫事之來也固必有所因而其事之成也亦必有所懼有所因則非驟舉以駭人之耳目有所懼則非嘉功以張已之勤能不駭耳目則常同於衆見而動中其機會不張勤能則常恐其勞擾而不免於遲緩二者交相致而後有事若無事天下事可次第而舉也苟出獨見而又欲擁衆而速成之不病已則病民非所謂循良之政也已嘉靖壬辰歲杪聖天子命寓春來守是邦會時告饑當道檄下郡邑糴穀備賑率借

民舍僧寺散儲之越明年正月登城閱視西南隅俱  
隙地表百七十丈有奇廣六之一曰或有警何以守  
為舊倉倚西圮其十之八九曰倉固在何以借為用  
是謀諸父老曰若就其地闢為街募民相向聯居以  
塞其虛而因以其值築倉與養濟院則儲賑待老守  
禦兼得之矣眾皆曰然緣饑饉頻仍迎送相屬於道  
懼其難舉而又勢不容不舉者久之適侍御毛公按  
陝過寧首詢孤老見其房隘甚令改拓焉寓春即以  
前地并素與父老所議上之報可乃率僚佐同知陳

澐判官趙嘉謨義官董仁豆廷寶相度由西城門右  
上數武就舊隙處闢為街門扁曰國儲新巷南上直  
二百三十尺橫仍舊折而西直六十五尺橫二十四  
尺又折而南漸下抵水渠又折而東抵峻坡屈曲六  
百五十尺橫如前始折處建倉建養濟院并門繞以  
垣東向四座二十六楹稍南以東向為草廠廣八十  
尺袤同街東稍北為預備倉門并廠五座二十五楹  
亦俱垣繞之稍南西向為廣惠倉仍舊臨街增豎一  
門與預備倉門并峙各有扁星分碁布井井有條自

院倉至峻坡可漸夷爲店址者士民見其明爽可居爭買之適中最聳處若構亭可覽溪山之勝坡迤東抵南街直四百六十尺橫視前稍狹亦豎門復扁曰西達通衢蓋始於嘉靖癸巳十月明年乙未之四月竣事其費取諸地之值三之一餘取諸官及胥役踰兩年而後落成或曰不亦緩乎寓春應之曰費取諸彼則吾事有所因而斂不及民力取諸此則吾事未嘗不自懼勞吾民得之不斂不勞則不爲民病而向所議事罔不就緒矣雖緩何傷或又曰公今以力不

及而調得毋以郡務俱類事而然乎不病民則亦病己矣寓春曰子所云真切中寓春之病也寓春去矣重有感焉因序其事并附所云刻之雖然舉事寧緩毋急寧病己毋病民後有循良吏繼守是邦安知不取於寓春之言也夫亦安知不有取於寓春之舉事也夫

慶陽府部藝文二 詩

玉泉

唐杜牧

山股逗飛泉泓澄傍岩石亂垂寒玉條碎灑珍珠滴  
澄波涵萬象明鏡瀉天色有時乘月來賞詠還自適

送汪郎中伯陽出守北地

明謝榛

五馬衝寒色冰霜滿去程君王憂北地父老望前旌  
典郡才方振防年計不輕河山分陝服形勢輔咸京  
樹隱青蛇廟天空白豹城人家盡周俗羌笛半秦聲  
夜月登樓嘯春風露冕行試看循吏傳終古定垂名

古今圖書集成  
送康元龍之靈武

徐燏

賀蘭山下戰塵收君去征途正值秋落日故關秦上  
郡斷煙殘壘漢靈州邊兒射獵經河北壯士吹笳怨  
隴頭城窟莫教頻飲馬水聲嗚咽動鄉愁

二

黃河官路黑山程羌笛橫吹漢月明漠北烽烟三里  
塞隴西鼙鼓十年兵燕鴻度塞寒無影胡馬行沙暗  
有聲後夜思君勞遠夢朔風吹過白登城

環縣道中

李夢陽

昔人習鞍馬而我憚孤征水抱琵琶寨山銜木鉢城  
裹瘡新罷戰插羽又徵兵不到窮邊處那知遠戍情

慶陽行臺

秦昂

重負霜臺若履冰投閒何處覓漁汀深山簪雪頭還  
白細柳窺春眼欲青客路悠悠疑泛梗人家落落似  
疎星世間百物渾如醉盡被東風一喚醒

次環縣

前人

漠漠風煙捲敝裘塵懷何處一登樓遙天老鴈空相  
憶遠路輶車豈浪遊望裏飛雲隨我去沿邊荒草向

古今圖書集成  
人愁伊誰能獻平戎策宵旰還分聖主憂

慶陽府部紀事

府志秦厲公二十三年北伐義渠擒其王以歸

惠公五十五年北伐義渠取二十五城

漢文帝十四年匈奴十四萬騎入朝那蕭關殺北地  
都尉虜人畜甚多詔發車千乘騎卒十萬上親勒兵  
欲自征羣臣諫不聽皇太后固爭上乃止以張相如  
欒布爲將軍擊逐出塞而還

武帝元光元年遣將軍李廣將兵屯北邊廣與程不  
識俱以將兵有名當時廣行無部伍行陣最善水草

止舍人人自便不擊刁斗自衛幕府省約文書然亦遠斥埃未嘗遇害不識正部曲行伍營陣擊刁斗治軍簿至明軍不得休息亦未嘗遇害然匈奴畏李廣之略士卒亦多樂從廣而苦不識

宣帝五鳳三年置北地屬國以處匈奴降者

成帝末始二年侍中張放以罪左遷北地都尉

順帝永建二年秋九月詔復安定北地上郡虞詡言

安定北地上郡山川險阨沃野千里土宜畜牧水可

溉漕頃遭羌亂郡縣兵荒二十餘年矣棄沃壤之饒

捐自然之利不可謂利離山河之阻守無險之處難以爲固今三郡未復園陵單外而公卿異懦計費不圖其安宜開聖聽考所長使謁者督徙者各歸本縣繕城郭置埃驛又浚渠屯田省歲費一億許遂合諸郡儲粟周數年

永和五年鞏唐羌寇北地郡

六年冬十月徙安定北地郡

靈帝熹平三年二月鮮卑寇北地

晉惠帝元康六年夏匈奴郝度元與北地馬蘭羌等

反寇北地太守死之

光熙元年三月五苓夷寇寧州寧州頻歲饑疫五苓夷疆盛遂圍州城刺史李毅病卒女秀明達有父風衆推領州事秀獎勵戰士嬰城固守城中糧盡炙鼠拔草而食之伺其稍怠輒出兵掩擊破之

愍帝建興四年漢劉曜陷北地曜圍北地麴允救之曜使反間給允曰郡城已陷往無及矣衆懼而潰曜追敗允遂取北地允性仁厚無威斷喜以爵位悅人諸郡太守皆領征鎮村塢皆將軍之號然恩不及下

故諸將軍驕恣而士卒離怨

北魏孝明帝正光五年朔方胡反圍夏州城中食盡刺史源子雍欲自出求食行數日爲胡騎所擒時其子延伯守統萬子雍潛遣人齎書勅城中努力固守衆感其義莫不奮勵子雍被擒爲陳禍福賊衆立降隋文帝開皇二十年地震是日天下地大震

唐元宗十五年幸蜀太子往就朔方通夜馳三百餘里至彭原太守李遵出迎獻衣及糗糧七月卽位靈武裴冕杜鴻漸等賤五上乃許八月郭子儀徵兵五

萬至靈武帝拜靈武長史同平章事軍威稍振人始有  
興復之望

李泌至靈武帝拜爲右相不受初京兆李泌幼以才  
敏著聞元宗欲官之不可使與太子爲布衣交楊國  
忠惡之奏徙蘄春後隱居潁陽上自馬嵬遣使召之  
謁見於靈武上大喜出則聯轡寢則對榻如爲太子  
時事無大小皆咨之言無不從上欲拜泌爲右相泌  
固辭曰陛下待以賓友則貴於丞相矣何以官爲上  
乃止

代宗大曆元年以四鎮北庭行營節度使馬璘兼領  
邠寧璘以授秀寔爲都虞侯卒有能引弓重二百四  
十斤者犯盜當死璘欲生之秀實曰將有愛憎而法  
不一雖韓彭不能爲理璘善其議竟殺之璘處事或  
不中理秀寔爭之璘怒秀實曰秀實罪若可殺何以  
怒爲無罪殺人恐涉非道璘攝衣起良久置酒召秀  
實謝之自是事皆咨秀實而後行聲稱甚美

十三年春二月築方渠合道木波三城秋吐蕃寇慶  
郭子儀遣李懷光擊破之七月以張獻甫爲邠寧節

古今圖書集成  
度使擢范希朝爲寧州刺史

德宗貞元四年吐蕃入寇大掠而去

宣宗大中四年三月上以党項久未平頗厭用兵崔紘建議宜遣大臣鎮撫乃以白敏中爲制置使

五年以白敏中爲邠寧節度使

六年夏月党項復擾邊上欲擇帥而難其人從容與翰林畢誠論邊事誠援古據今具陳方略上曰不意頗牧近在禁廷卿其爲朕行乎誠欣然奉命冬十月畢誠招諭党項降之

梁太祖開平三年岐遣劉知俊圍梁靈州梁遣兵救之克岐寧衍二州拔慶州解靈州圍尋大敗於岐而還

周太祖廣順二年慶州野雞族反因慶州刺史郭彥欽性貪野雞族多羊馬彥欽故擾之以求賂野雞族遂反以折從阮爲靜難節度使討之

三年寧州殺牛族反初殺牛族與野雞族有隙聞官軍討野雞饋餉迎奉官軍利其財畜而掠之殺牛族遂與野雞族合敗兵於包山周主以郭彥欽以致作

古今圖書集成  
亂黜廢於家

宋太宗至道二年九月環慶二州梨生華占曰有兵  
明年北寇犯朔方

三年李繼遷圍靈武遣李繼隆等於道討之

宋史鄭文寶傳文寶爲陝西轉運副使朝廷議城古  
威州遣內侍馮從順訪於文寶文寶言威州在清遠  
軍西北八十里樂山之西唐大中時靈武朱叔明收  
長樂州邠寧張君緒收六關卽其地也故壘未圯水  
甘土沃有良木薪秭之利約葫蘆臨洮二河壓明沙

蕭關兩戍東控五原北固峽口足以襟帶西涼咽喉  
靈武城之便然環州至伯魚伯魚抵青岡青岡拒清  
遠皆兩舍而清遠當羣山之口扼塞門之要芻草野  
宿行旅頓絕威州隔城東隅堅石盤互不可浚池城  
中舊乏井脉又飛鳥泉去城尚千餘步一旦緣邊警  
急賊引平夏勝兵三千據清遠之衝乘高守險數百  
人守環州甜水谷獨家原傳箭野狸十族脇從山中  
熟戶党項孰敢不從又分千騎守磧北清遠軍之口  
卽自環至靈七百里之地非國家所有豈威州可禦

哉請先建伯魚青岡清遠三城爲頓師歸重之地古  
人有言金城湯池非粟不能守俟二年間秦民息肩  
臣請建營田積粟實邊之策修五原故城專三池鹽  
利以金帛啖党項酋豪子弟使爲朝廷用不惟安朔  
方制豎子至於經營安西綏復河湟此其漸也詔從  
其議

續湘山野錄鄭工部文寶爲陝運時賊欲侵靈武朝  
廷患之詔鄭便宜經度西事鄭前後自環慶親部芻  
粟越瀚海七百里入靈武者十二次諸羌之語皆通

曉鄭必知靈武不可守故參校史傳作河西隴右圖  
進呈極言乞棄靈武朝廷方遣大將王超援之又力  
諫太宗太平之時慎無開邊疲弊生姓太宗聞奏極  
怒撫以他事坐擅議鹽禁及違營田以積石廢壘築  
爲清遠軍三過貶郴州藍山令王超援兵方至環州  
靈武果沒遂班師而李順梗蜀隴賊趙包聚徒數千  
附之鄭知必趨棧以進分兵夜襲斬其魁殲餘黨嘗  
又輕車使蜀至渝涪聞廣武卒謀亂自雲安飛小檝  
下峽數百里一夕擒之所筭如神然太宗終怒藍山

任滿更移枝江京山二縣牢落五六年方復

宋史閻日新傳日新移慶州上言野溪三門等族恃嶮隘桀黠難制請開古川道東至樂業鎮西出府城從之

府志仁宗景祐元年秋七月趙元昊反寇環州

慶曆三年寧州大雨如注漂三千餘家溺死千餘人宋史范仲淹傳仲淹爲環慶路招討使改邠州觀察使仲淹表言觀察使班待制下臣守邊數年羌人頗親愛臣呼臣爲龍圖老子今退而與王興朱觀爲伍

第恐爲賊輕矣辭不拜慶之西北馬鋪砦當後橋川口在賊腹中仲淹欲城之度賊必爭密遣子純祐與蕃將趙明先據其地引兵隨之諸將不知所向行至柔遠始號令之版築皆具旬日而城成卽大順城是也賊覺以騎三萬來戰佯北仲淹戒勿追已而果有伏大順旣城而白豹金湯皆不敢犯環慶自此寇益少

府志孫長卿傳長卿字次公揚州人知慶州州據險高患無水蓋嘗疏引澗谷汲城中未幾復絕長卿鑿



十七年春二月元鶴盤城而鳴

弘治六年元鶴飛鳴城中

嘉靖七年旱人相食米穀踊貴斗值四錢

十三年五月水寧州居民廬舍漂沒殆盡溺死者千

人

二十五年秋八月寇深入至慶陽由環縣慘掠而還

指揮崔桂戰死

二十八年秋七月大水南關民溺死者萬餘夾河兩

岸二百里許死者亦萬人廬居貨市頓成沙磧

三十四年冬十二月地大震是月地震有聲自西北

徂東南搖動若沉浮狀城櫓盡傾穴居民壓死不知

其數潼渭劇甚年餘不息

三十五年黑眚見自山西漸至慶陽夜捕人作害居

民各鳴金鼓驚之油脂頓貴旬餘乃息六月大星隕

於西南是月田鼠害禾稼九月大星隕於西北光芒

四射彷彿若龍形

三十七年七月霪雨自春終夏禾麥俱損至是大雨

如注浹旬不止官民廬舍傾圮殆盡南城再崩若干

丈壓死居民凡十八人

萬曆十年旱大飢人相食民死甚衆

四十一年晝晦如夜無風飛沙自辰至酉

四十五年無爲教李文等聚衆作亂太守史東昌同

知李備討平之

崇禎元年土寇韓朝宰等作亂環縣守備裴某討平

之

二年旱飢猪產象身形不大白色長鼻與象無異移

時卽死

四年二月內流寇神一奎劉六子等圍城十一日壅

塞鵝池水道城內無水至有飲馬溺者定邊副將張

應昌中軍張天禮率兵擊之圍解於本月二十五日

夜半至合水從北城入殺戮甚衆

五年知縣施喬柙招撫復業

十年七月內黎明見人身有火彼此視之皆然衆相

驚愕不燃衣冠殆兵火荒旱之象也

十二年鴻鴈數萬環飛城上去屋咫尺矢石不驚移

時乃散識者以爲瞻烏靡定之象

十三年賊帥王老虎盤據金頂山延慶騷動巡撫丁啓睿統兵征討駐府四十餘日是歲大旱重以耗竭次年遂成奇荒

十四年三月內流寇賀弘器齊三詐等率賊萬餘暗薄合水城下防兵沈應時郭一學等斬獲渠魁齊三詐等百餘級次年二月十五日平明火燒合水城門直入城內殺戮之苦更甚於前人民星散止餘空城十六年十月內闖賊攻破潼關長安諸城皆失十一月十六日賊帥劉宗敏率兵五萬直逼慶城環圍數

匝慶官民誓死不降擊死賊衆數萬賊攻益急十八日午時城陷守道段復興死之十一月賀弘器李大敖圍寧州城中矢砲頗多賊攻四十餘日不克掠野而去

Blank page with vertical lines for text columns.

慶陽府部雜錄

菽園雜記陝西環縣界有唐時木波合道等城遺址  
志書以為范文正公守環時所築嘗考之唐德宗興  
元十三年二月築方渠合道木波三城邠寧節度使  
楊朝晟之力也文正或因其舊址而修築之故云

慶陽府部外編

府志嘉靖三十六年學宮獲異人鳥跡并其字模時  
教授于魯署印合水遺幼弱二三人守戶其妻步御  
製亭前忽聞亭內有欬聲回視亭扁封鎖如故而亭  
內聲聞甚真更見門外鳥跡四五若印之者啓戶視  
之寂然無人而鳥跡遍室歷歷若步壁上有手跡二  
掌中有圖書二字若雷部篆文殊不能識御製碑上  
有草字亦不能識始若脂塗津津入石內教授于魯  
因刻以志之且爲之記五月有手跡復見於太學生

楊友桂門石洗磨皆不能去至今有焉是歲乙卯本  
庠高登科者五人人以爲文明之應云

三十七年六月旣望南門洞工告完工人礮石扁亦  
成太守梁惡其門以災毀欲改題其名而未發方募  
善書而驟報扁已有題矣初往視之乃書永春門三  
字端楷迺勁怪而洗之又若淡墨然磨礮則字浸入  
石矣人咸異之太守因不更其名而竟模其字刻置  
別石忽仍原書如故

